

নিশীথ প্রদীপ

অস্মিতা দে

হেরিনু চারপাশে অপূর্ব হৃদি আশে,
জাগিছে জীবন নব জ্যোতির আশ্বাসে !
আপন জগৎ ছিল খেলিত আনমন,
বাহিরে জীবন বুঝি ক্ষুদ্র সে বাতায়ন -
হৃদয় জগৎ মাঝে এত দৃঢ় ছিল দ্বার !
বুঝিনি কোনোদিন এত যে প্রাণ তার !
আজিকে বিশ্বমাঝে এ কোন মায়াছলে -
ফোঁটালে প্রাণ মম শতত শতদলে ।
ফাগুন বাতাস বেশে আঁধার ঘরে এসে,
জাগালে নিমেষ শেষে জ্যোতির সম্ভার ।
রজনীর আঁধার বাঁধা - অলোকে লাগিছে ধাঁধা,
নীরব স্তব্ধ দেহে প্রাণের সঞ্চারণ !
রুদ্ধ দ্বারে জাগে ভাঙনের উপহার ।

অতল গভীর হতে উঠিছে প্রবল ঢেউ -
ঘুমন্ত গিরিবরে আগুন জ্বলিছে কেউ,
শুষ্ক মাটির পরে মেঘের হৃষ্কার !
প্রস্ফুটিত প্রাণ আজ বিশ্ব পারাবার ।

জগৎসভা মাঝে পেনু যে পুণ্য ঠাই,
ভারতী পদে সাঁপি জীবন অর্ঘ্য তাই ।
দেশের তরে হোক নতুন জন্ম আজ,
তোমার সেবায় হোক আমার প্রথম কাজ ।
আশীষ দেহো তবে- মহার্ঘ্য অনুভবে,
জ্বলিছে যেমন করে নিশীথ প্রদীপ ওই,
তোমারি লাগি যেন তেমনি জেগে রই ॥

